

雁山觀石梁記

李孝光

予家距雁山五里歲率三四至山中每一至常如遇故人萬里  
外泰定元年冬予與客張子約陳叔夏復來從兩家童持衾裯  
杖履冬日妍煥黃葉布地客行望見山北口立石宛然如浮屠  
氏腰隆起若世之遊方僧自襍被者客輒然而笑時落日正謝  
東南山山氣盡紫鳥相呼如歸人入宿石梁石梁拔起地上如  
大梯倚屋檐端檐下入空洞中可容千人地上石脚空嵌類腐  
木根檐端有小樹長尺許倒掛絕壁上葉著霜正紅始見謂躑  
躑花絕可愛梁下有寺寺僧具煮茶醅酒客至俱醉月已没白  
雲西來如流水風吹橡栗墮瓦上轉射巖下小屋從瓴中出擊  
道藏輯要

天下名山記  
浙江觀石李

卷

軫集二

地上積葉鏗鏜宛轉殆非世間金石音燈下相顧蒼然無語夜  
將半設兩榻對卧子約沾醉比曉猶呼其門生不知爲下榻也